

DAS ERST BLAT

Hie vaset an eyn Rhetorica. halt die dritte stat der sibē fryen kün-
sten. Doruff zelerne ist wie man tütsch missiuen/das sint sendebrieff/oz/
denlich/yeglichem noch synē stat vñ wüerden/setzen sol. **Dyalogus.**
Das ist do eyner frager vñ ym selbs antwortet. **Die erst frag.**

N Sag mir woruff lernet man brieff dichten. **Antwort**
Vñ Rhetorica der sibē fryen künsten eyne. **Frag.**
So man ein missiue/dz ist ein sendebrieff machen wil.
Durch welche ordnung mag das geschēhen. dz sy vnstraf
ber gesetzt werde. **Antwort** Das muß beschēhen er
wen durch fünff artickel. etwen durch vier. etwen durch
try. etwan durch zwen. noch de die sache gestalt. od eyner dem andern ge
want ist. **Frag** Wie heysent die selben fünff artickel **Antwort.**
Sy heysent. **Salutatio.** Das ist grüssung. **Exordiu.** dz ist anfang. **Nar**
ratio. verkündung. **Petitio.** Begerung od bitrunge. **Cöclusio.** dz ist der be
schluß. **Frag** Bedarff ein yeglicher sendebrieff die fünff artickel **Ant**
wurt Erstlicher bedarff die fünff alle. etlicher vier. etlicher zwen. Vnde
wān er mit den fünff artickeln sol gemacht werde. So muß das Ex
ordiu do by sein. Wān er aber die vier hat. so sol dz exordiu donō sin. Vñ
wān er try artickel hat. so sol exordiu vñ petitio do vñ syn. **Frag**
Woruff heisse dan Cöclusio finalis/dz sy ouch nie wirt vñgelasse **Ant.**
Doruff dz sy ein sache ist d man nit geraten sol. Dan alle sachen dye man
redt od beschrybe soltent mit güter ordnung in ein rechte endbeschließung
komen. wān die rede od geschriffte wurde sunst stroffbar **Frag** wor
umb heisset der erst artickel **Salutatio** **Antwort** Doruff wān mā
vñb fründliche sachen schrybe. so sol zū dem ersten vor der meldung d sache
gruß od dienst gesetzt werde **Frag.** woruff heisset d ander artickel.
Exordiu. vñ wān sol er gesetzt werden **Antwort** Vñb das wān n
man wil schrybe. worumb güte sey das ein sache beschēhe. Das mā dan vor
meldung der sache erlüttern vñ vñslegē sol. Gelych als ein weber ein wepf
sen anzusetzen muß ee dan er garn dorinn treit vñ tüch doruff macht. al
so sol man die güte. so an einer sache ligt die man thun wil. zūm erste
exordieren ee man die sache narriert od verkundet. vñ das sol noch d salu
tation beschēhe. **Frag** Tu sag mir/woruff heyst der drit artickel nar
ratio. vñ wān ist er zezegen. **Antwort** Doruff heist er narratio. das
ist kündung. wān vñ ym geet die meldung eyner yegliche sache. vñ wurt
durch yn berürt. Vñ wo das exordiu gebrauchet wurt. do sol die narratio
zū nechst dornoch gesetzt werde. Aber wān man ein sentbrieff macht dor
ynne nit exordiert wurt. so sol dye narratio d salutation nach folgenn.
Frag Tu vñdrich mich waruff heisset d vierd artickel petitio/ist als
vil als bitrüge gesprochen. Vñ an welcher stat sol er gesetzt werde. **Ant.**
Doruff heisset er petitio/ist als vil gesprochen als bitrüge. wān es sol alwe
ge dz bitrüge geschēhe nach meldung d sache. Dorumb sol die petitio nach der
narration gesetzt vñ gebrauchet werde **Frag** woruff heisset dan d fünffte
artickel cöclusio finalis. **Antwort** Dorumb dz eyn yeglicher artickel
a iij.